

րից հնագույնը պատկանում է 1225 թվականին (արձ. 139):

Ճիշտ է, սրահի արևելյան ծայրին, պատի մեջ հազցրած վիճակում կա նաև 1161 թվականին վերաբերող դեղնավուն քարից շինած մի խաչքար (արձ. 111), բայց այն հավանաբար այս նախագավթի շինությունից առաջ գոյություն է ունեցել և կանգնեցված է եղել հենց այդ տարածության վրա, ուստի նախագավթի շինության ժամանակ նրան հանել են իր տեղից և հազցրել կառուցվող նախ-

գավթի պատի մեջ: Դա երևում է նրանից, որ խաչքարն իր նախնական տեղում չի և չի համապատասխանում այն լուսամուտին, որի հետ նա զույգ է կազմում սրահի արևելյան պատին: Այս նախագավթը, ամենայն հավանականությամբ, կառուցվել է 13-րդ դարի առաջին քառորդին:

10. Զաֆարյանների տոհմական տապանատուն: Կազմված է երկու մասից, արևմուտյանը երկթեք տանիքով, թաղածածկ մի շենք է, որ այժմ զգալի կերպով թաղված է



Նկ. 14. Գրատունը և Գրիգոր Լուսավորիչ եկեղեցին հս ակ կողմից:

հողի մեջ, իսկ արևելյանը ավելի նեղ դիրքով շինված մի տապանատուն է, որի ստորին հարկը, այսինքն բուն տապանատունն իր ավելի ցածրադիր ծածկով, ներքուստ միացած է տապանատան արևելյան մասի հետ: Արևելյան մասն ունի վերին հարկ, որը մի փոքրիկ մատուռ է: Տապանատունը կառուցված է 1189 թվականին Զաքարե և Իվանե եղբայրների կողմից իրենց հոր՝ Սարգսի գերեզմանի վրա, որ մեռել էր 1187 թվականին: Այդ նույն թվականին պատկանող մի խաչարձան է զրված Սարգսի գերեզմանի գլխին:

Տապանատունն ունի կառուցման արձանագրություն (արձ. 165), բացի այդ, «Քոթուկի» մեջ էլ պահպանվել է Զաքարեի և Իվանեի մի հրովարտակը, որով նրանք 1184 թ. իրենց տոհմական գերեզմանատանը, նախքան իրենց հոր մահը, նվիրել են հետևյալ գյուղերը.

«ՁՈՆԱԿԻՆ և ՂՈՆԱԿԱՅ ԳՈՄՆ, ՂՎԱՂԻՆ և ՂՎԱՂԻՍԱՅ ՍԵՈՆ*, ՂԴԱՐՔԻՆ և ՂՆՈՐԱՂԷՆԻՆ, և ՂԶԱԼԱՂԷՆԻՆ ամենայն խարձէ ազատ ի պատրողական ցեղէ»¹:

Նույն հրովարտակի շարունակության

¹ «Քոթուկ», էջ 56:

* Նույն հրովարտակի մեջ այս երկու տեղանունները գրված են՝ Վաշն և Վաշայսեոն: